



Broj: 01-04-5-1341/25
Sarajevo, 30.01.2025. godine

U skladu sa članom 70. Zakona o javnim nabavkama BiH ("Sl. glasnik BiH", br. 39/14, 59/22 i 50/24), Zapisnikom o pregledu i ocjeni ponuda, broj: 08-11-15-435/25 od 13.01.2025. godine i Preporukom Komisije za javne nabavke, broj: 08-11-15-435-1/25 od 13.01.2025. godine, a na osnovu člana 18. stav 1. Pravilnika o javnim nabavkama Fonda za profesionalnu rehabilitaciju i zapošljavanje osoba sa invaliditetom, broj: 01-02-2-10558/24 od 11.09.2024. godine, Upravni odbor Fonda za profesionalnu rehabilitaciju i zapošljavanje osoba sa invaliditetom na 59. sjednici održanoj dana 30.01.2025. godine d o n o s i

O D L U K U o izboru najpovoljnijeg ponuđača

I

Prihvata se Preporuka Komisije za nabavku, broj: 08-11-15-435-1/25 od 13.01.2025. godine u postupku nabavke roba - goriva za službena vozila putem konkurentskog zahtjeva za dostavu ponuda, i Ugovor za javnu nabavku goriva za službena vozila dodjeljuje se ponuđaču **"HOLDINA" d.o.o. Sarajevo, ponuda br. 2, dostavljena dana 07.01.2025. godine, za ponuđenu cijenu od 26.459,00 KM (bez PDV-a), kao najpovoljnijem ponuđaču.**

II

Izabrani ponuđač je dužan u roku od 5 (pet) dana od dana zaprimanja ove Odluke dostaviti originale ili ovjerene kopije dokumentacije iz člana 45. Zakona o javnim nabavkama.

Ukoliko izabrani ponuđač ne dostavi traženu dokumentaciju u određenom roku, ili je dostavi na nepropisan i nepotpun način, ugovor za javnu nabavku dodijelit će se drugorangiranom ponuđaču u skladu sa članom 72. stav 3. Zakona o javnim nabavkama.

III

Izabrani ponuđač je dužan u roku od 5 (pet) dana od dana zaprimanja ove Odluke dostaviti originale ili ovjerene kopije dokumentacije, u skladu sa članom 44. Zakona o javnim nabavkama, radi provjere ispunjavanja kvalifikacionih uslova podugovarača i eventualnog izdavanja prethodne saglasnosti za sklapanje podugovora.

Ukoliko izabrani ponuđač ne dostavi traženu dokumentaciju u određenom roku, ili je dostavi na nepropisan i nepotpun način, ugovor za javnu nabavku dodijelit će se drugorangiranom ponuđaču u skladu sa članom 72. stav 3. Zakona o javnim nabavkama.

IV

Prijedlog Ugovora o javnoj nabavci dostavit će se na potpis izabranom ponuđaču po isteku roka od 15 (petnaest) dana, računajući od dana kada svi ponuđači koji su učestvovali u predmetnom postupku nabavke budu obaviješteni o izboru najpovoljnijeg ponuđača.

V

Ova Odluka stupa na snagu danom donošenja i objavit će se na internet stranici Fonda, istovremeno s upućivanjem iste svim ponuđačima koji su učestvovali u predmetnom postupku javne nabavke, u skladu sa članom 70. stav. 6. Zakona o javnim nabavkama

OBRAZLOŽENJE

Postupak javne nabavke pokrenut je Odlukom o pokretanju konkurentskog zahtjeva nabavke goriva za službena vozila, broj: 01-04-5-14895/24 od 23.12.2024. godine. Javna nabavka je provedena putem konkurentskog zahtjeva za dostavu ponuda. Procijenjena vrijednost nabavke iznosi 30.000,00 KM bez PDV-a. Obavještenje o nabavci broj: 175-7-1-108-3-58/24 poslato je na objavu dana 26.12.2024. godine, te je istog dana objavljeno na portalu javnih nabavki.

Tendersku dokumentaciju su preuzela tri (3) privredna subjekta, a izmjenu tenderske dokumentacije je preuzelo pet (5) privrednih subjekata. Dva ponuđača su dostavila ponude u predmetnom postupku nabavke. Obje ponude su blagovremeno pristigle.

Ponude su dostavili sljedeći ponuđači:

| Redni broj | Naziv i sjedište ponuđača |
|------------|---|
| 1. | "HIFA - PETROL" d.o.o. Sarajevo, ul. Hotonj bb, Vogošća, Sarajevo; ID: 4200999090005 |
| 2. | "HOLDINA" d.o.o. Sarajevo, ul. Azize Šaćirbegović br. 4-b, Sarajevo; ID: 4200068200001 |

Komisija za javne nabavke imenovana Odlukom broj: 01-04-5-14896/24 od 23.12.2024. godine je izvršila pregled i ocjenu ponuda, te konstatovala da su obje zaprimljene ponude prihvatljive.

E-Aukcija je održana 09.01.2025. godine u 14:00 sati u trajanju od 10 minuta, ista je provedena putem portala www.ejn.gov.ba, i to u skladu sa Pravilnikom o uslovima i načinu korištenja e-aukcije („Službeni glasnik BiH“, br. 80/23) i Uputstvom o uslovima i načinu objavljivanja obavještenja i dostavljanja izvještaja o postupcima javnih nabavki na portalu javnih nabavki („Službeni glasnik BiH“, broj: 80/22).

Konačna rang lista ponuđača koji su učestvovali u e-Aukciji:

| Redni broj | Naziv i sjedište ponuđača | IDB/JIB | Konačna cijena u KM bez PDV-a | Umanjenje cijene | Rang |
|------------|---|---------------|-------------------------------|------------------|------|
| 1. | "HOLDINA" d.o.o. Sarajevo, ul. Azize Šaćirbegović br. 4-b, Sarajevo | 4200068200001 | 26.459,00 KM | 0% | 1 |
| 2. | "HIFA - PETROL" d.o.o. Sarajevo, ul. Hotonj bb, Vogošća, Sarajevo | 4200999090005 | 27.471,00 KM | 0% | 2 |

Nakon izvršenog pregleda i ocjene ponuda, Komisija je dostavila Upravnom odboru Fonda za profesionalnu rehabilitaciju i zapošljavanje osoba sa invaliditetom Zapisnik o pregledu i ocjeni ponuda, broj: 08-11-15-435/25 od 13.01.2025. godine i Preporuku o izboru ponuđača "HOLDINA" d.o.o. Sarajevo, sa registrovanim sjedištem u ul. Azize Šaćirbegović 4-b, Sarajevo, ID: 4200068200001 za predmetnu nabavku, sa ponuđenom cijenom od 26.459,00 KM (bez PDV-a).

U postupku donošenja ove odluke, posebno su cijenjene činjenice da je Komisija pravilno i potpuno izvršila ocjenu kvalificiranosti ponuđača, kao i ocjenu prispjelih ponuda shodno kriterijima iz tenderske dokumentacije, te da je izbor izvršen u skladu sa Zakonom o javnim nabavkama, podzakonskim aktima i tenderskom dokumentacijom.

Uzimajući u obzir naprijed navedeno, odlučeno je kao u dispozitivu ove odluke.

Pouka o pravnom lijeku:

Protiv ove Odluke svaki od ponuđača koji je učestvovao u postupku nabavke može izjaviti žalbu Ugovornom organu u pisanoj formi u roku od 5 (pet) dana od dana prijema ove Odluke.



PREDSJEDNIK UPRAVNOG ODBORA



Dr. Senad Pešto

Dostaviti:

- Upravnom odboru
- Ponuđačima (2X)
- Sektoru finansijskih i računovodstvenih poslova
- Službi za javne nabavke i informacione tehnologije
- a/a

